



Diario



pa Aruba



DIABIERNE 10 DI JUNI 1960

Nr. 3755

## Sigui lesa ARUBA ANSE COURANT LA ESPERANZA muy pronto tin un noticia masha importante pa henter e pueblo di Aruba

Directiva  
E. WEVER.

### ARGENTINA TA EXIGI ISRAEL ENTREGA BACK DI EICHMANN

**BUENOS AIRES, 9 juni** — Gobierno Argentino a exige den nota cu el a duna Israel ajera, pa e criminal di guerra Nazi Adolf Eichmann worde hiba Argentina bek e siman aki mes. Na pasa agentenan dje servicio secreto Israelita a secuestrachmann for di Argentina. Si Eichmann no worde trece bek Argentina lo presenta e caso den nacionnan uni, asina ta worde declara den un nota cu e ministro Argentino di asuntunan exterior, Taboada, a entrega e embahador Israelita na Buenos Aires.

Gobierno argentino ta rechaza e declaracion den cual Israel ta bisa cu chmann a sali for di Argentina voluntariamente pa worde huzga na Israel. Despues cu agentenan israelita a njele na Argentina, Gobierno argentino ta exige pa castiga e persona cu a viola soberania argentino, y agentenan di servicio secreto Israel.

Gobierno argentino a expresa su apresa, cu e autoridaden israelita er larga huzga „un criminal como chmann cu ta culpable cu asesinato cial” na Israel. E ta pidi atencion e autoridaden israelita pa articulo dje acuerdo internacional cu Israel firma, den cual ta bisa cu e huzga-entru por socede solamente pa un tribunal dje estado riba cual su territorio e asesinato racial a tuma lugat, pa un corte internacional. Argenti-

na ta desapropa na e manera mas severo e crimenan dje persiguidorian di judio entre e nazinan, y ta aproba e actitud dje judionan respecto Eichmann.

„Pero Israel mester cumpli cu su obligacionnan na un pais amigo y e obligacionnan ta consisti entre otro di respect pa soberania dje estado”

Relacion entre Argentina e Israel lo no cambia

Di fuentenan israelita a worde informa cu e embahador israelita a expresa su „esperanza ferviente” durante su discusion cu ministro Taboada di asuntunan exterior di Argentina, cu e bon relacionnan entre Argentina e Israel lo no cambia, maske ki decision e dos gobiernonan tuma.

Di Tel Aviv a worde informa cu e exigencia di Argentina pa manda Eichmann Argentina bek, a bini manera un sla pa Israel. Observadonan israelita ta di opinion cu e rabia di gobierno argentino tocante locual a socede cu e criminal di mal fama Eichmann, „incomprendible”. Nan ta spera cu gobierno israelita lo rechaza e exigencia di Argentina.

Na Buenos Aires funcionarianan di ministerio argentino di asuntunan exterior ta di opinion cu Argentina lo no larga su embahador na Tel Aviv, kenle a worde jama bek, regresa na Israel.

Contesta di Israel na nota argentino lo bini awe tardi

E ministro argentino di asuntunan exterior, dr. Jogenes Taboada, a bisa awe tardi cu gobierno argentino lo entrega e embahador israelita e contesta di Argentina riba e nota israelita, awe tardi. El a bisa cu gobierno argentino posiblemente lo publica su o-

lacionnan diplomatico cu Israel pa motibo dje incidente-Eichmann, pero algun circulo oficial ta di opinion cu e nota di Israel ta „insultante” pa Argentina.

Nan ta considera e posibilidad cu e embahador argentino na Israel lo worde jama bek na e momento cu Israel worde pidi pa jama su embahador na Argentina. Ambos mision diplomatico lo keda den man dje respectivo encargadonan di negoshi, durante un periodo di tempo cu lo worde determina di antemano.

Manera ta conoci Israel a declara den e nota cu a worde duna gobierno dos dia pasa cu „un grupo di voluntario” a descubri Eichmann na Argentina y cu nan a „logra di pone”

bai Israel „voluntariamente”, pa worde huzga door di un tribunal israelita na e pais ey. E nota ta contene un copia di un carta cu „Eichmann a skirbi voluntariamente”, y den cual e ta bisa cu el a bai Israel voluntariamente pa worde huzga aja.

**19 juni**

**Vaderdag.....**

**GROTE EN KLEINE GESCHENKEN**

**SPRITZER \* FUHRMANN**


CURACAO ARUBA



**Pelea: Telefoon kibra**

ORANJESTAD — Polisnan a ser informa cu pa 12.30 den anochi di diarazon pa diahuebs nan a kibra e telefoon publico na Bubali durante un pelea. E supuesto culpable, un tal F. a bai warda cu polisnan pa un verhoor. Patrulla a tuma e receptor kibra den beslag. Proceso-verbaal lo worde traha contra di F.

Pa tur bo aseguronan  
**FATUM — Tel.: 1845**



Awenachi pa 8.00 'ar

**ZENITH vs. MARLBORO**

(A-klasse)

Entrada Fl. 1.— y Fl. 0.50  
Damas gratis.

**FUTBOL FUTBOL FUTBOL**

**Pa prame biaha na Aruba futbol femenino!!!**

Diamars 14 di Juni pa 8.00 p.m. den Wilhelmina Stadion

**FUTBOL FEMENINO**

**„CORINTHIANS”**

di Inglatera, CAMPEON DI MUNDO

versus

**„NORTHERN NOMADS”**

seleccion di Manchester, Inglatera.

Dos equipos di fama mundial, componi completamente di damas cu lo demostra nan elegancia, calidad y capacidad cu hugadas emocionantes den un sensacional partido di futbol!

**ALGO NUNCA VISTO NA ARUBA! — UNICA PRESENTACION!**

**Tur hende mester presencia e fantastica actuacion aki**

**ENTRADA:**

Tribuna ..... Fls. 3,00

Staanplaats ..... Fls. 2,00

(Muchanan bao 12 anja ta paga nialad).

**Futbol Femenina - Futbol Femenino - Futbol Femenina**

### Delegacion Surnamenjo a keda un dia

ORANJESTAD — E delegacion di Staten di Surnam cu recientemente a haci un bishita na Hulanda a jega nos isla ayera mainta pa un bishita di un dia. E delegacion a worde recibí ayera mainta pa 9.30 door di Bestuurs-college completo di Aruba y tambe senyor O. Croes, vice-presidente di Staten, senyor A. Poppe secretario interino di e isla, y senyor E. Goedhoop, presidente di Club Surnam. E saludo tabata cortico pero masha alegre. Den oranan di merdia senyor O. Croes, a ofrese na number di e Colegio Le-

gislativo un lunch den Aruba Caribbean Hotel. Ayera nochi e delegacion a regresa pa Corsow. Senyor Piña, hefe di Servicio Informativo a companja e delegacion for di Corsow pa Aruba.

Geznghebbor F. J. C. Beujson saludando e hefe di e delegacion di Staten di Surnam, sr. Kraag, na nan jorada ayera mainta na aeropuerto.



damanan di Roode Kruis a colecta na porta principal di Lago (payday). Na e mesun momento e comite a reparti un cantidad di 10.000 pamfletus na e schoolnan di Playa, Sta. Cruz, Noord Paradera (e otro districionan a hanja cabal), suplicando cu e majornan pa medio di esaki pa manda nan jiuinan school cu panja diki, dekle, y cuminda cu no ta danja.

**Diadominga ultima dia**

E sub-comite di San Nicolas ta pensa cu organisa un picnic diadomingo awor na Country Club na e beneficio di e accion aki. Cu esaki tambe lo jega un fin na e accion di e comite „Aruba Juda Chili”. E ultimo embarke lo sali probablemente dia 19 di luna aki. E comite ta masha agradecido pa e trabau cu tur hende a haci den e dianan cu a cabal. En especial nan kier meen e cuerpo completo di Roode Kruis na nos isla, cu no a spaar tempo ni energia pa empakea tur cos na e mihor manera nosibel. Pa e comite e grupo aki lo keda conoci como uno di „Stille Helden”.

Tambe na e poblacion, ehikito na tamajo pero grandi na espritu y eazon, segun e comite, a contribui na un manera incomparabel.

Por tuma e conclusion cu cada habitante di e isla a contribui cu un a dos florin cada uno.

### PA CHILI:

## Trinta mil contribui na placa, panja y cuminda

**E accion lo cerra diadomingo awor**

ORANJESTAD — E accion pa yudanza na e victimanan di Chili cu ta tumando lugar ariba tur parti di nos isla, ta bai na completo satisfaccion di e camite central. Manera ta conoci diasabra ultimo e prame embarke a sali pa Antofagasta cu 156 caha di cuminda y un valor total di fl. 20.000 na placa en efectivo, panja y cuminda.

Tambe e cable cu a warde manda door di dokter Harting, comandante di Roode Kruis, a hanja su contesta di gradecimento di parti di Cruz Roja Chilena.

E contribucion di Oranjestad di diasabra ultimo tabata di fls. 11.000 na placa y panja. Santa Cruz cu nuna sa keda atras tambe a contribui cu nada menos cu fls. 9000.—. E lista di contribucion di e siman aki no a jega ainda den poder di e comite, pe-

ro na ta spera cu ya esaki a surpasa e suma di fls. 11.000.—.

**Na school y Porta di Lago**

Ayera tambe tabata un dia di hopi moveccion pa e comite. Henter dia e

**N.V. WINKEL'S HANDEL MAATSCHAPPIJ**  
Wilhelminastraat 74 — Oranjestad

heeft plaats voor  
**a. DRIE ADMINISTRATIEVE KRACHTEN en**  
**b. EEN ERVAREN VERKOPER**

Voor de vacatures onder „a” genoemd is een M.U.L.O.-diploma minimumvereiste.

Kantoorervaring strekt tot aanbeveling.

Voor de vacature onder „b” genoemd wordt vooral gelet op de ervaring.

In beide gevallen wordt een aantrekkelijke salaris geboden.

Brieven met vermelding van opleiding, ervaring en referenties te richten aan bovengenoemd adres.



# Causeria di Prof. Asselbergs y Clara Eggink den Basi Ruti

ORANJESTAD — Pa nos e punto muchu mas culminante di e anochi literario den Basi Ruti, tabata e lectura di tres cuartel ora cu profesor dr. W. Asselbergs (Anton van Duinkerken) a tene y cu tabata titula "Humor in de Nederlandse Letterkunde". Un corriente flexible y talentoso di framenan hulandes a demostra nos un bez mas con bunita y rico na historia e idioma hulandes ta berkladeramente. Y ki un conocimiento enorme Anton van Duinkerken tin di e literatura hulandes. Ki un placer lo ta ora cu bo por bishita colegio cerca e humber aki.

Prof. Asselbergs y senjora Clara Eggink a mira e patio di Basi Ruti completamente jen sinta nan dilanti diarazon anochi. Un iluminacion rafina y un brisa fresco a forma e ambiente pa un anochi inolvidable. Lastimamente Aruba mester a haci e Siman di Boeki bira un Dia di Boeki. Prof. Asselbergs y sra. Eggink a tene un lectura cada un y despues e Boekenbui (balle di boeki) a sigi. Tur cos ariba un anochi pero e no tabata di mas pa cinco hende.

Sra. Eggink a papia promer cu pausa ariba "Kleine grappes over grote mensen". Den e recitacion aki el a lesa algun parti for di e hocki cu e mesun number aki, cu el a scribi y el a tene padilanti recuerdos ariba acontecimiento y hechonan di escritor nan hulandes. Gracioso tabata algun anecdota ariba algun escritor hulandes masha conoci: nos no a hacha cu e humor o almenos e chempelan cu a worde poni tocante e hendenan aki tur ora tabata exito.

Pero probablemente e causa tabata e curso di tempo. Ariba cual prof. Asselbergs despues di pausa — ora cu e mas di 250 presentan — entre cual deputadonan Henriquez y Petreña: gezaghebber a informa cu tabata imposibel pa bini, por a saborea di un koffie dushi bon cayente y un pida bolo delicioso for di e cushina italiana di Basi Ruti — lo dedica su mes. Prof. Asselbergs a papia cu un voz claro y jen. Ariba e humor di e literatura hulandes. Y el a demostra con un resumen gracioso di triota anja pasa na to worde considera pa asina gracioso mas awor. Un cuadro for di "Pygmalion" di Shaw a worde usa aki como ehemplo.

Pero prof. Asselbergs a bai mas



Prof. Asselbergs durante su causeria.

alcun den historia: el a jega den Edad Media. Piezanan cu a keda warda ta pone e escritor nan awor varios bez dilanti problemanan. Con un pieza manera por ehemplo "Clovent" mester worde considera anto manera un chaos of manera algo serio. Comparando e tekstonan aki den otro idioma prof. Asselbergs a jega na e conclusion cu e pieza aki mester worde mira humoristicamente. El a cautiva su audiencia te na ultimo y un aplauso masha agradecido tabata su recompensa. Senjor D. J. de Wit, director di Aruba Boekhandel y Aruba Post, cu a haci e bishita posibel a haci su meoltok di tur e presentan ora cu el a gradici sra. Eggink y prof. Asselbergs cordialmente pa e anochi especial.

E palabranan aki tabata e senjal pa comienzo di e Baile di boeki cu a dura te jen oracion laat di anochi.

Algun palabran mas tocante e organizacion: Esaki a worde prepara excelentemente, e preparacion di tur cos hunto tabata den un palabran tur alo, y homenaje ta na su lugar pa Basi Ruti y Aruba Boekhandel.

## ODNOSOFF TROBE NA ARUBA

ORANJESTAD — Arubaanse Kunstkring ta presenta un bez mas dia 24 juni proximo e conocido violoncelista Adolfo Odnoposoff, acompaña pa e pianista Martin Iniaz, cu tambe a ser esuecha caba ariba nos isla; e ultimo aki a companja Henryk Szering tambe.

Odnoposoff, un discipulo di Feuermann y Casals, ta biba actualmente na Mexico, na unda e tabata miembro di e jurado di e Casals Cello Concours, y cual concurso a worde gana pa e hulandes Aune Bijsma. Odnoposoff a desarolla su repertorio masha hopi y ta toca awor e.o. den 18 concierto di violin y orkestra. Na e momento aki e ta na Caracas hunto cu Martin Iniaz, na unda e ta presentando cinco concierto en total.

E programa di 24 juni ta indica obranan di Bloch, Schumann, De Falla, Saint-Saens, Fauré y Hindemith.

## "EMMASTAD" TA BINI ARUBA CU 3 COMEDIA DI UN ACTO

ORANJESTAD — E Grupo Comedia di Corsow "Emmastad" na ocasion di Siman di boeki ta bini cu un programa di diferente comedia den un acto. Circunstancianan a permiti cu unicamente dos di e tres comedienan di un acto por worde presenta durante e Siman di Boeki. Otro siman nan ta cuminsa cu presentacion di e programa completo. E estreno lo tuma lugar na Aruba bou di auspicio di Arubaanse Kunstkring diasabra 18 di juni. E programa ta menciona siguiente comedienan den un acto.

1. DE DAPPERE (The Valiant) di Holworthy Hall y Robert Middlemass.
2. WENDSDROMEN (Suppressed desires) di Susan Glaspell.

3. HUWELIJK MET VOORBEDACHTEN (A marriage has been arranged) di Alfred Sutro.

En total e grupo cu ta bini Aruba ta forma pa cuater damas y cuater caballeros, entre cual Winn Hesse cu ta conoci aki caba di e comedienan "Wachten op Godot" y "Eens in de Hondert Jaar" y e popular Elly de Graaf.

"Emmastad" cu su presentacionnan anja pasa na Aruba a procura pa anochinan inolvidable pa antenanan di comedia na nos isla y nos ta sigur cu e bishita aki cu nan un-actonan cu nan lo atrae sala yen 'trobe.

## Nombracion pa Hulanda na Ginebra

GINEBRA. 9 juni. — Hulanda a worde eligi pa ocupa un puesto den directiva di organizacion internacional di trabao (I.O.) durante e proximo 3 anjonan. Dinamarea ta un dje otro 9 paisnan cu a worde eligi.



## Mr. Dr. M. F. Da Costa Gomez lo regresa Corsou medio Juni

Un entrevista di doctor cu redactor di ANP

DEN HAAG, 9 juni — mr dr M. F. da Costa Gomez, ex-promer ministro di Antillas, kende lo bolbe Corsou durante e segundo mitar di juni despues di a pasa 3 luna na Hulanda, a bisa un redactor di ANP awe cu e ta "masha satisfecho tantu politicamente como privado.

El a bisa cu tocante e doel di su bishita na Hulanda a origina un mehor comprendimento respecto nificacion dje medida real di dia 30 di januari, cual den su bista ainda ta masha nancante y segun cual e deputadonan di Eilandsraad di Corsou a hacha nan retiro. E medidaki tin caracter di un ley di emergencia y e ta di opinion cu no tabata e intencion pa interveni unilateralmente y na e manera ey favorece un grupo politico.

E ta di opinion cu tin un posibilidad awor pa hacha un solucion pa medio di discusion y no ta imposible cu gobierno di reinado lo por sirbi como mediador.

Infelizmente e medidaki real ta di vigor caba desde 5 luna pasa y poco poco ta biraado urgente pa haci esfuerzo pa hacha un solucion pacifico y studia. "Mi no ta duda cu pasanan lo worde haci den direccion di discusionnan franki, particularmente cu por mira awor cu e partidonan cu no por colabora na Corsou, no a acerca otro bato di influencia dje medidaki real y cu e esperanza, expresa den e exposicion di articulo 6, esta cu gobierno antillano lo tuma e iniciativa pa cuminsa discusion, no a bira realidad". Asina Sr. Da Costa Gomez a bisa.

Aunke, asina el a bisa, e medidaki no por worde defende a base di ley (Statuut y Staatsregeling), e por bira un medio util riba basenan politico, pa poete y partidonan antillano den e asunto tuma over e sistema hulandes respecto ocupacion di puestonan politico. Un bestuurscollege insular lo por worde forma por ehempel cu colaboracion di tur e partidonan representa den Eilandsraad, segun proposicion. Ta posibel cu un tal proposicion, apoya pa gobierno di reinado, lo worde ricibi cordialmente. Lo e ta en acuerdo tambe cu articulo 21 dje declaraciona universal dje derechonan di humanidad di Nacionnan Uni te tur hende tin derecho di tuma parti na gobierno di su pais. Sr. Da Costa Gomez a contesta e pregunta tocante e eleccionnan cu e ta desea pa un Eilandsraad nobo na Corsou, bisando, cu tal eleccionnan ta un ultimo medio pa sali dje impasse. El a bisa un hiba mas, cu mester usa tur medio razonable pa sali for dje impasse actual den gobierno di Corsou. Si resulta — y esaki mester worde investiga — cu e conflictonan existente no por worde elimina pa medio di algun forma di discusion, tampoco pa medio di un es-

## AWE NOCHI OCHO'OR DESPEDIDA TEAGLE DEN LAGO SPORT PARK

ORANJESTAD — Tur e 27 clubnan, cuater banda di musica, e grupo di carnaval y e otro participantenan ta worde suplica di ta presente awe nochi pa 7'or ariba e terreno di YMCA banda di Lago Sport Park. Ariba e terreno aki nan lo forma e procesion, asina cu och'or en punto nan por cuminsa cu e parada.

Esaki ta e ultimo instruccionnan di e comite cu ta organisa e grandioso despedida na honor di senjor B. Teagle y senjora awe nochi den Lago Sport Park. Un auto lo busca e parcha Teagle for di nan cas den Seroc Colorado y trece nan algo promer cu och'or den Lago Sport Park. Nan a zorg pa durante di e entrada tin algun efecnonan sorprendente.

Nada menos cu 27 club y organizacionnan a inscribi pa e parada. Den esakinan ta inclui organizacionnan di deporte y juventud. Ademas un grupo for di San Nicolas — lo haci e fiesta aki algo alegre. Nan lo camina distrahe dea e parada. Varios organizacion lo presenta un regalo. Mientras cu e piece de resistance lo ta di Lago Sport Park: tocante e clase di e regalo aki nan no kier bisa nada ainda.

Ingemar Johansson, kende ta bai defende su titulo di heavyweight contra Floyd Patterson na New York dialuna 20 di juni p.v. ta pasando na Liberty, N.Y. despues di training.



Caja principal di Puerto Montt ta como si fuera un machin a silee e den dos. Pero en realidad tabata tenhlorian ta causa di e bista aki. Patras, un ambulans y mas schenman den e caya.

## Destrucion di tifton Mary na Hongkong

HONGKONG, 9 juni. — E resultadoan dje Tifton "Mary", cu a pasa Hongkong ta, 15 morti, 29 persona herida y 4000 hende sin dak. E vapor "Shun Lee" a worde tira cu di costa y el a pidi ajudo via radio.

## Palabranan severo di Fidel Castro na direccion di Merca

HAVANA, 9 juni. — Fidel Castro a bisa cu e palabranan den cual un nota mericano tocante un "campaña di calumnia" di representantenan cubano na Washington contra gobiernu mericano ta "grof y agresivo". El a bisa asina durante un discurso cu el a tene na e congreso nacional di barberoan. El a bisa cu e palabranan cu Merca a usa, ta palabranan "di un provocador, di un intruso cu ta entremete den asunto cu no ta di dje". El a bisa tambe, cu e lema nobo di pueblo cubano ta: "Nos lo conquista". (E lema bieu tabata: "patria or morto")

## Giora Josephtal a bishita Eichmann

JERUZALEM, 9 juni. — E ministro israelita di trabao Giora Josephtal, a bishita e prison na unda Eichmann ta crea, algun dia pasa, asina e corant "Maariv" a informa awe. Josephtal ta e unico ministro na Israel cu a mira Eichmann.

## Avion Ruso a presta ayudo na Chili

SANTIAGO 9 juni. — Awe un avion cu ajudo ruso pa e victimanan dje temblorinan na Chile, a jega Santiago di Chile. E avion a worde ricibi na aeropuerto pa e subdirector di protocol y e lidernan dje instituto pa relacionnan cultural entre Chile y Rusia.

## PUNTRA POLIS

**Choke I**  
Pa un'or y mei diarazon atardi e dos autonan A-369 (E.V.R.) y A-2040 (J.A.R.) a dal den otro na skina di Middenweg-Oude Schoolstraat. Danjo total: f. 550.—. Un di e chofernan no a duna preferencia.

**Choke II**  
Na e skina G. Madurostraat—Adr. Laele Boulevard e jeep A-6001 y truck A-2006 a dal den otro. Chofernan ta: C. de H. y B. E. respectivamente. E danjo material ta monta na f. 250.—. Aki tambe un di e chofernan no a duna preferencia.

**A perde**  
Senjor Belen de Jesus Lugo di Boli-viastraat 29 diarazon atardi a perde un caha di betata for di su truck A-6860. E caha a worde perdi probablemente entre 2'or di atardi pa 7'or di anochi.

## Dr Hans Kroll a regresa Mosku

BONN, 9 juni. — E embahador di Alemania occidental na Moscu, dr. Hans Kroll, a regresa na Moscu, despues di a duna su gobierno un raport dje ultimo pasean politico cu Rusia a tuma.



## —39 ANJA DEN PRISON—

Edmund Bigham ta sonriendo na Columbia, S.C., durante cu e ta sali liber di prison despues di a sinta 39 anja pa matamentu di cinco miembro di su familia. El a perde un brazu como 40 anja pasa. Segun Edmund e tin 88 anja, record di prison ta bisa cu ta 75 anja e tin, record di parole board ta marca 81.

## C. A. VIS

Alablanstraat 12  
TEL: 1398  
ALLE SOORTEN GLAZEN  
EN JALOUZIEEN

## ELTINK MEUBELEN

## Wijchen - Holland

• door jarenlang gebruik op de Antillen is de hoogstaande kwaliteit bewezen

Een ervaring, die voor U zo belangrijk is.

• levering direct van fabriek, dus veel goedkoper... U begrijpt het? Bij deze bovenste beste kwaliteit nog een paar honderd gulden in de zak houden.

• Vrdag eens inlichtingen of een gratis kleurencatalogus bij onze vertegenwoordigers.

Voor CURACAO:

A. D. Nieuw

Pietermaai 8

Tel. 11287

Voor ARUBA:

Top. Agencies

Marconistr. 4

Tel. 1682



Throughout the world more people buy Seagram's V.O. than any other imported whisky.

ARUBA TRADING COMPANY  
Oranjestad - Aruba

HBU HBU

# Onze service gaat met de tijd mee!

Wist u... dat elke rekeninghouder van ons na iedere transactie een Dagafschrift toegezonden krijgt dat behalve beginsaldo en mutatie ook het eindsaldo aangeeft? Dit exclusieve systeem stelt U in staat dagelijks Uw bank-saldo bij te houden en maakt Uw controle veel gemakkelijker. Op aanvraag geven wij U gratis een opbergmapje voor deze Dagafschriften.

HOLLANDSCHE BANK-UNIE N.V.  
KANTOOR ORANJESTAD  
POSTBUS 118 - TEL. 1208 en 1201  
TELEGRAMS: BANCOLANDA

DAGAFSCHRIFT  
DAILY STATEMENT

NAF	OUDE SALDO	DEBIT	CREDIT	NUWE SALDO
2,440.12	18.03	120.50		2,511.16
MAR 18 40	18.03	34.63		
MAR 19 40	18.03	1,200.00		
MAR 19 40	18.03	225.50		
MAR 19 40	18.03		1,250.00	
MAR 19 40	18.03		221.50	
MAR 19 40	18.03		180.17	

HOLLANDSCHE BANK-UNIE N.V.  
KANTOOR ORANJESTAD

Neem de HBU... Het Bevalf U!

# HOLLANDSCHE BANK-UNIE N.V.

ORANJESTAD — SAN NICOLAS



Cu bo ta compra un bledi dinta di zapalo o diferente articulo mas, semper bo ta worde atendi llic y carijoso na KEES GROCERY N.V. Tel. 1079-1918

**NOS A CABA DI RICIBI: laba plato PRINCESS**



E ta indispensable den bo cas. SOLAMENTE FI. 260.— PA'RIBA ARUBA TRADING CO.

# Sexto A.S.U. Olympiada lo ta for di 23 di Juni te cu 3 di Juli

**Competencia contra di Corsow, Venezuela y Trinidad**  
(Di nos redactor deportivo)

ORANJESTAD — Ayera nos a ricibi for di e Comité Organizador di e Sexto A.S.U. Olympiada e programa cu e anja aki lo forma loke ya ta birando un tradicion den nos comunidad deportivo. E Comité Organizador ta encabesa pa Sr. Roy van Putten, Sportleider di A.S.U. Demas miembronan di e Comité ta senjores Frere Theodorus, secretario, G. V. Simon, tesorero, U. van Breet encarga cu futbol, A. B. Kuiperi Jr encarga cu baseball, A. J. Tije A. Loi encarga cu softball, M. Reyes y A. W. Brokkey encarga cu tennis, J. C. M. Lashley encarga cu atletiek y wielrennen, Clive Lacle encarga cu spearfishing y trolling, Alfred Vieira encarga cu puestamento di bato di motor. Morris Neme encarga cu Skimonto, Mike Lewis, encarga cu Hissamento di Peso, G. F. Croes, encarga cu pingpong, G. Kipp encarga cu Volleyball, Frere Theodorus encarga cu Basketball, W. Thompson encarga cu cricket, L. F. van Putten y A. Tije A. Loi encarga cu nochi di apertura, H. E. N. Kuiperi encarga cu eleccion di Reina di Deporte, Dr. W. de la Fuente como medico y G. Simon encarga cu contacto cu prensa.

Den man di e senjorinan aki huntadamente cu e diferente bondnan pue organisacion di e Sexto A.S.U. Olympiada a ser confia.

**Cricket pa promer biaha ariba e programa**

E programa ta cuminsa dia Vierna dia 24 di juni den Wilhelminastadion cu desfile y ceremonia di apertura. Durante e ceremonia e Figura cu lo ser condecora cu e Aorjer Beker lo drenta Stadion, lo ta discursu di e presidente di A.S.U. y entrega di e beker.

Lo worde presenta na e publico e diferente candidatanan pa Reina di Deporte y luego un partido di futbol entre e campeon y subcampeon di juni di nos isla, Jong Aruba y Estrella.

E eleccion di e Reina di Deporte pa Aruba lo tuma luga den mes forma cu anjanan anterior, es decir den forma di voto popular. Cada tarheta di entrada pa eventonan di e Olympiada cu cada valor di 0.50 ta duna derecho riba un voto. Entradanan di un florin pue ta duna e candidatu cu su nomber ta aparece riba e pida di e tarheta cu e fanatismo ta keda cu e dos votos.

Na cada evento tin ocasion pa depone e votonan.

Dia Sabra dia 25 di juni tin ariba e programa partido di Cricket contra di Venezuela den Lago Sport Park cuminsando pa 1'or di merdia. Tres or di atardi den Commandeurshai Club lo tin biljar entre hungadornan local. Un ora despues den club di Estrella lo tin encuentro di pingpong contra di Corsow, mientras cu e anochi ey pa 8.15 lo tin un partido di futbol entre seleccion juvenil di Aruba y e seleccion juvenil di Corsow.

E tercer dia, dia Domingo 26 di juni pa 10'or di mainta e segunda encuentro di cricket entre e seleccion di Aruba y uno di Venezuela lo tuma luga.

Het beste en modernste GASFORNUIS van deze eeuw..... de MAGIC CHEF, verkrijgbaar bij



## CUMPLIANJOS

E gentil caballero Joannes Martinus Tromp ta cumpli anja y ta ricibi felicitacion di su tata Martinus, mama Euphrasia, rumannan Ursula, Hyacintho, Servino, Josepha, Anna Maria, tambe di su sobrina y sobrinonan, amigo y conecinan, especialmente di un amigo.

Mayra Lourdes Maria Frans ta celebra su promer anja di feliz existencia y ta ricibi felicitacion di su tata, mama, rumannan, tur familiar, especialmente di su padрино y madrina.

E gentil caballero Jacobo Maduro (Jach) ta celebra su feliz cumpleaños y ta ricibi felicitacion di su mama Maria, tata Rafael, rumannan Juanita, Marco, Chido na Corsow, Margaretha, Marcelina, Reineta, Francisca, Ada, tambe di su rumen di crianza Mario Gomez, swa Porfilio Damian, y Elsa Maduro, sobrinonan Edwin Damian y Dennis Maduro, sobrinanan Filma Damian, Maritza Maduro, y Majorie Maduro, tambe di Voetbal team Trappers y demas familia Maduro.

Ta recorda su fecha natal e gentil caballero Teofilo Farro y ta ricibi felicitacion di su estimada mama Emilia, tata Hose, rumannan Julio, Petronilla, Aura, Rosa, Thomas, Chen, Choy, May, Lore, Chichi, Jeta, Duffi y especialmente di su amiga sra. Joana Maria Bockhoudt kende ta desea e hopi anja mas di vida den compania di su familia y amistades.

E simpatica sra. Serenilla Farro ta celebra su feliz cumpleaños y ta ricibi felicitacion di su estimada mama Emilia, tata Hose, rumannan Julio, Aura, To, Rosa, Thomas, Chen, Choy, May, Lore, Chichi, Jeta, Camichi, Duffi, pero muy especialmente di su estimada amiga sra. Joana Maria Bockhoudt y demas familia.

E hobencito Ricardo Feliciano Werleman ta ricibi hopi felicitacion di su mama Modesta, tata Pedro, 3 rumannan, tanta y omonan, wela y welonan, madrina Maria Damasa Werleman, especialmente di su padрино, Enrique Werleman, tambe di Maria Heleza Werleman y demas familia Werleman.

**ARUBAANSE COURANT**  
diariamente cu excepcion di diadomingo

Edita pa: N.V. ARUBAANSE DRUKKERIJ EN UITGEVERIJ. EN PUBLICITEITS M.I. Nassaustraat 95 - Oranjestad, Aruba N.A.

Suscripcion / 3.— paga adelanta Edicion suelta 20 ct

Telefon: 1118 Directiva y anuncio 2118 Redaccion y suscripcion

Directeur-hoofredacteur: G. J. van der Meer

Imprimi na N.V. Drukkerij „De Stad“

## Agenda

**CINE**  
**WIT-GELE KRUIS**  
Zr. Ewaldia - Zr. Perpetua. tel. 2200

**BOTICANAN DI WARDA**  
San Nicolas: BOTICA CENTRAL, tel. 5008  
Oranjestad: BOTICA DEL PUEBLO, tel. 1231

**POSTSLUITING**  
**Vrijdag**  
Barranquilla 15.30, Bogotá 8.30, Caracas 8.30 & 16.00, GUAYMA 8.30 & 15.30, Miami 8.30, New York 8.30 & 15.30, Caracas 15.30.

**RADIO KELKBOOM**  
Diabierne 10 di juni

- 11.30 Opening
- 12.00 Lunchmuziek
- 12.10 Nieuws local na Pap.
- 12.25 Nieuws Internationaal y lokaal
- 12.45 Nieuws Americaan
- 12.55 Nieuws in nutshell
- 1.00 Musica varia
- 1.30 Stuiting
- 4.00 Rancheras
- 4.30 Nieuws na Pap. Gokaalpolis y deportivo
- 4.45 Cocktail Musical
- 5.00 Danzones cubanos
- 5.15 Musica antillana
- 5.30 Hermanos Miguel
- 5.45 Calypso
- 6.00 Kinderkoor
- 6.15 Cumple años felix
- 6.30 Dinnermuziek
- 6.45 Voortichtingsdienst
- 7.00 Nieuws na Pap.
- 7.15 Musica Varia
- 7.30 Musica hulandez
- 7.40 Nieuwsbericht
- 8.00 Nieuwsbericht
- 8.15 Lagrimas de una madre
- 8.30 Sat. King Cole
- 8.45 Orkestra Valsito
- 9.00 Peliculas
- 9.30 Boleo entre Sugar Ray Robinson y Paul Pender
- 10.00 Stuiting

**RADIO VICTORIA**  
Diabierne 10 di juni

- 11.00 Apertura
- 11.15 El Mundo Femenino
- 11.30 Noticias di Merdia
- 12.00 Ultimas Noticias
- 12.15 Musica Sagrada
- 12.30 World News
- 12.45 Organ Memories
- 1.00 Radio Concert Hall
- 2.00 The Reading Room
- 2.15 Sacred Songs
- 2.30 The Quiet Hour
- 2.45 Ensenos Musicales
- 3.15 Cafe con Musica
- 3.30 Luz y Verdad
- 4.00 Musica di Banda
- 4.15 Eonnan Celestial
- 4.30 Radio Kid's Bible Club
- 5.00 Joyas del Hogar
- 5.15 Palabras de Bida
- 5.30 Interludio Musical
- 6.00 Ultimas Noticias
- 6.15 Sucesos Deportivos
- 6.30 Noticias Hulandes
- 6.40 Musica Clasica
- 7.15 The Bandstand
- 7.30 Unhacked
- 8.00 World News
- 8.10 Off the Record
- 8.30 Back to the Bible
- 9.00 Musical Gems
- 9.30 Haven of Rest
- 10.00 World News
- 10.15 Hymns that Live
- 10.30 Sign Off

**RADIO CARACAS TELEVISION**  
Diabierne 10 di juni

- 9.55 Patron de Radio Caracas Television
- 9.57 Informacion sobre los programas del dia
- 10.00 El calendario de Mama
- 10.30 Casas de Mujeres
- 11.15 Cortos Cinematograficos
- 11.30 La Perfecta Ama de Casa
- 12.00 El Gran Show de las Doce
- 1.15 Su novela Favorita
- 1.30 El imparcial Television
- 2.00 Documentales
- 2.30 Club Femenino
- 3.00 Por el Ojo de la Cerradura
- 4.00 Estudio de Hector Monteverde
- 4.30 Club de los Nietos
- 5.30 Cortos Cinematograficos
- 6.00 Cortos Cinematograficos
- 7.15 La novela Ace (estudio 10)
- 7.30 Revolver a la Orden
- 8.00 El Observador Creole
- 8.15 Su novela Palmolive
- 8.30 Fiesta Papi
- 9.00 La novela Camay
- 9.30 Documentales
- 10.00 Documentales
- 10.30 Cineprograma
- 12.00 Patron de Radio Caracas Television
- Despedida

**No 1 STORE**

**SPECIAL BIG VALUES**  
New items now on sale - don't miss them!

Large new assortment of LADIES BLOUSES a FI. 1.00 each

LADIES' SKIRTS FI. 1.50 each. LADIES' SHOES — New styles a FI. 2.50 pr. LADIES' CABANA SETS a FI. 2.00 each. LADIES' KIMONOS a FI. 4.00 each. LADIES' PANTIES FI. 0.50 each. LADIES' HANDBAGS & EVENING BAGS — Great variety.

BOYS & GIRLS SHOES from FI. 1.50 up. CABANA SETS — FI. 1.00 up. BIG VALUES in men's & boys' SHIRTS — short & long sleeves — SUITS & UNDERWEAR. MEN'S ROBES a FI. 4.00 each.

**NUMBER ONE STORE — The Store where your guildier ALWAYS buys more!**

**AIR-CONDITION YOUR HOME AND OFFICE!**



**BO TA SINTIBO OTRO CU AIREACONDICIONADO NA CAS Y AIREACONDICIONADO NA OFICINA**

Adios calor, adios stof, adios boroto, adios sudor y e ta costa menos di loke bo ta kere!



**KAN INC.**  
Joyereros desde 1918



**E DIA....**

cu tur Tata kier sinti nan mes contento, ta

**DIADOMINGO 19 DI JUNI 1960**

**DIA DE LOS PADRES**

Y pa tene nan contento no ta difcil. Nos coleccion di regalo ta garantiza esey.

Pasa cerca nos, cu mucho gusto nos lo yudabo scoge un regalo.

**TEL 1193 NASSAUSTRAT 47 ORANJESTAD**

**NOBO NOBO NOBO**  
Nassaustraat 34

A caba di jega: Ultimo telan dripping cu na ta machika y cu tin masha bunita disenjo pa shimis y faldas. Seda-katoena ingles completamente nobo. Tela masha bunita borden. E disenjonan pa 1960 a jega.

**ODUBER & KAN**  
INC.



**BRIL DI SOLO**  
Aruba Curacao

**OFICINA MARITIMA DE ARUBA**  
Tel: 1622

Pa transportacion di mercancia y mudanza.

Tel. 1637 Rondweg 49  
**Bloemenhuis ROZENoord**  
pa TUR DIA FLOR BIBU  
Laga un experto haci bo trabou

**UN BRUID COMO OFERTA**  
pa TUYUCHI

No. 36

„Si, mi ta mira un brillo di oro, pero...“

„Mi ta hancja esei? Mi ta gana esei? Oh, mira Roxane, mira lihe pa mi.“

Cu un arranque e muhe a bula lumta foi eama. Pa cual movicion libera hasta e spiel di man a cui abao na suela foi e cama.

Y e cos di mas' peor cu ta cu e spiel aqui a quibra na filigrana. Ua rato e marquesa a spaeta. „Ai, quico mi tin cunes, N' ta importa mi“, el a grila impaciente. „Sigui ho, Roxane.“

Pero e gitana a lamta para. „El a bai“, el a bisa. „Mi n' ta mira nada mas. E quibramento di spiel a stroha mi trabao completamente.“

„Esta malora. Esei ta duel mi masha. Pero bisa mi maske ta algo anto“, e marquesa a suplica. „Lo mi gana awe nochi?“

„Si, pero masha nada.“

„Danki Dios, Pero e homber... bo ta bisa cu e ta masha ricu? Quizas lo mi por gana mas tanto foi dje, ho, pa mas.“

Nan a bati na porta e Marsha a drenta.

„Noble Sra. Overley ta aqui.“

„Large drenta“, e marquesa a ordena. Y no bai, Marsha. Mi tin mesder di bo tambe. Corda no bai.“

Theresa a drenta e cuarto. E tabatin un traje blancu di mouseline bisti y riba esagui, contra frialdad den e anchinan largu, un shal di cashimiri color herde.

Propiamente e mester a carga traxenjan di rouw, pero e no tabatin placa pa e facillite esagui y e tabata muestra masha hoben y rosada. El a haci un reverencia profundo pa e marquesa y a tira despues un bista curiosa riba e gitana.

„Esagui te muchu muhe“, e marquesa a bisa cortu. Y luego e marquesa a bisa na Theresa:

„Noble Theresa, esagui ta madam Roxane. E ta un gran astrologica. Nos tin e privilegio di tin'e como huesped den nos cas y su conshonnan tabata pa nos hopi bez un gran alivio y ademias probechoso.“

Y e ora ei Roxane a puntra Theresa cu un humildad imita:

„Nobleza ta desea pa mi mira un carta p'e?“

Theresa a hala su mes atras.

„No, gracias. Mi ta prefera di no conoe mi porvenir.“

„Qui un soquetada“, marquesa a grila. „Tur hende lo quier ta na altura di su porvenir. Larga Roxane mira bo porvenir pa ho. Aqui no tin cuenta di capricho.“

„No, en realidad no“. Theresa a persisti. „Mi ta spera cu lo bo pordona mi. Pero mi ta prefera di queda desconoe di mi porvenir. Mi no quier sa cosnan cu ta bai pasa cu mi di autemano. Den ultimo temponan m'a sufri asina tantu cos eba, cu mi ta cuidey di eai malu cu ainda lo mi mester tende quico porvenir tin escondi pa mi.“

E marquesa a bula lamta furioso:

„Na sorto di cosnan asina bo ta sinja conoe un mugha, di cunucu. Ata madam Roxane aqui cu a bini directamente foi Bonstreet cu a ser consultu pa esnaq di mas prominente di nos pais. Hasta, prins a yega un dia di hiba busea su cosheho, n' ta berdad, Roxane? Pero e hoben noble di — qui jama esei robe — di Overley no ta interesa.“

A resona un furia terrible den hoz dje marquesa y Theresa a sintie masha avergonza.

„Ta duel mi di mester a pone bo rabia. Sra. marquesa, pero esei no tabata mi opinion. Lo mi larga e madam mira un carta anto pa mi.“

„Asina ta resona nichor“, e marquesa a responde.

„Tuma na, den ho dos mannan bunita, noble senjorita“, Roxane a bisa, mostrando Theresa e cartanan. Scomber nan y corda na e mes momento riba e deseo di mas grandi di ho ecurazon, ho deseo di mas intimo.“

Theresa a haci loque nan a existi di dje y el a sinti manera repugnancia mirando e cartanan cu e senjalnan stranjo. El a parti e cartanan.

„Ba pensa riba bo anhelonan di mas intimo?“

Theresa a sagudi ebez.

„Esei ta stranjo. Bo no tin den ho ecurazon ainda e deseo di mas intimo, mi noble senjorita?“

„Mi... mi ta quere cu si.“

„Pero lo ho sinja conoe esei“, Roxane a continua, fihando riba e cartanan. „Oh si, lo yega un dia riba cual bo deseo di mas intimo di ho ecurazon lo aparece visto ho dilanti y lo ho ta na altura di esei. Y loque cu ta mas grandi: mi ta bisa ho cu lo esagui ser cumpli tambe.“

„Quico ho ta mira?“ e marquesa a puntre interrumpiendo Roxane.

No a sigui unbez contesta; e gitana tabata sinti un poco inclina riba su kruk y tabata mira e cartanan cu el a pone awor den un medio-circulo su dilanti. Su wowonan tabata mitar cera y su cabez tabata sagudi bai bini. Ora cu porfia el a pupia, su steno tabata asina suave y vacilante — no lizo y trastero, manera ora cu el a pupia cu e marquesa.

„Mi ta mira peligro“, el a bisa. „pero lo ho salba dje peligro... semper lo ho salba dje peligro si ho trata na sigui semper indicacionan di ho ecurazon... deseo di otronon lo sigui haci influencia riba ho... mi ta mira nan ta pasa: homber y mubenan... si, ta existi peligro, peliger hasta di bida... pero sigui hoz di ho ecurazon... lo e pone ho sigui canna den e camina recto... y nada lo no pasa ho... pero morto ta masha eerea ho... e ta para banda di ho... y tin sanger tambe...“

Siem di e gitana a caba na evada. Dripiante el a bisa su cabez cu un arranque y a queda ta mira Theresa cu wowonan anchu abri.

„Bo ta feliz“, el a bisa. „Masha feliz. No ta algo otro, algo mehor cu felicidad. Ta manera ta den un luz pura di inocencia bo ta brillando y...“

(E ta sigui)

**CLUB BONAIRIANO**  
ta presenta  
**Diasabra y diadomingo awor for di 9'or pa 3'or a.m.**  
**UN GRANDIOSO BAILE**  
A cargo di  
**ARSENIO RODRIGUEZ**  
(E CIEGO MARAVILLOSO)  
**Y SU CONJUNTO**

Entrada: Damas miembro Fis. 1.—, damas no miembro Fis. 2.—  
Caballeros miembro Fis. 5.—, caballeros no miembro Fis. 6.—

**PARTICIPACION**

Pa medio di esaki mi kier agradece tur mayor y otro nan pa nan cooperacion durante e ultimo representacion di ballet y tambe mi kier participa cu e noticia cu ta core cu mi ta bai sali for di Aruba no ta cierto.

E noticia aki seguramente lo tin un intencion, y mi ta spera cu esaki ta muestra claramente cu no tabata mi intencion ni un ora so, pa sali for di Aruba.

**IRMA BAKKER.**



# CISCO KID

1. Mucha, paquico bo no tabata gñer premer pa mi juda bo? Mi no ta confia aingun homber!  
2. Sin excepcion? Quiza cu solamente un excepcion...  
3. Tur es tempo den e choza... He! Papia! Uuh! Bo ta un... cobarde...!



# JUAN EL INTREPIDO

1. Den qui trouble mi a Juan? Juan! Nos no por spera misericordia... Mi ayudo tampoco! Pero e culpa no ta di bo Cequi... Esey ta capricho di la suerte!  
2. Mi a jega laat... nan a coge nan! Corre libe bay cerca e comandante chino.  
3. Y trece aki... Lo nan recompensa mi pa mi bon cara! Claro cu si, traider!



# DICK TRACY

1. Mientras helicopter di polis y e viedgolt ta acercando e mesun beach, e nervionan ta altera.  
2. Si... e tresna a subi e avion... Anto Haku a tende nos jamada tocante e viedgolt!  
3. E mester ta hibaando nan mas halto... Por ta... pero e ta haciendo e bati forza di un revolver. E hombernan ey tabata arma.  
4. Mira pa bo start e motor y no mishi cu e radio!



# RIP KIRBY

1. Vison, Desmond, tene cuidado te ora nos mira quico Stanton lo baci!  
2. Tripulantean arma di "Bucanero" ta bula riba dek di "Juno".  
3. Mi ta quere cu boso tin un cofre cu tabata di mi pariente cu a muri. Entreguele na honor di su memoria!



# EL PRECIO DEL TRIUNFO

1. Estupeado... mi a bira enemigo di Derek! Pa colmo e ta un tipo asita honorabl cu lo no quere nada malo di Jack e destripador!  
2. Pa su otro dia... Monica, Ma cherie, mi quier bo tolongra Archer su cabez pa e queda Europa en vez di bay America... Mi ta quere cu mi ta haciendo bon. Barton...!  
3. Pero laga nos cambia e complot un poco! Lo e queda, pero pa otro razon! Mi quier pa bo odia Lalo Saxa!



# EL DIARIO DE UNA VIDA

1. E señorita lo mustra bo tur cos y lo e contesta tur bo preguntanan, papa Jones!  
2. Oh! Derek, señor Ulbeck!  
3. Si bo no ta sinti bon, na... Mi ta sinti mi masha bon. Y si bo... mi quier meen...  
4. Haei mi e favor di acompaña mi...



# PEPITA

1. Eduardo a invita mi pa hunga poker na su cas. Pepita...  
2. Mi ta contento cu bo no tabata bay bisa cu ta pa bo hefe bo tabata bay traha awe-nochi!  
3. Bo merece un premio pasobra bo no a gacia mi. Priminti cu semper lo bo bisa verdad... Mi ta priminti!  
4. Bisa Eduardo awor cu bo po quier hunga?



## Nesbitts a kibra invicto di Heineken's

(Di nos redactor deportivo)  
ORANJESTAD — Despues di cinco victoria consecutiva e Novena AA di Heineken's diarazon anochi a sufrir su promer derrota den e campanja di anja 1960. E campeonnan di 1959, Los Naranheros di Nesbitt a logra e hazanja di derrota Heineken's cu score di 10 pa 6.

Ya tabata parece nos, huzgando na e demostracion di e otro tres equiponan di AA cu e fuerte y disciplinad novena di Heineken's lo termina e campeonato invicto. Pa domina e cervicronan, manager Pantin Guerrero di Nesbitt's a hunga su mihor carta. Esaki ta e lanzador Charles Ponson, kende a responde cu e confianza poni den dje.  
Ponson a lanza henter e partido obteniendo su segundo triunfo. Su record ta awor di dos gang y un perdi. E peloteronan di Heineken's a conecta un total di 9 hit contra su lanzamentonan. El a permiti 6 base por bola y propina 13 ponche.  
E cervicronan a utiliza tres lanzador cuminzando Gerald Duinker. Esaki a lanza durante 4 inning, ricibi

4 hit, regala 4 base por bola y poncha 7 pa cuatro carrera.  
Bubu Ras a releva den e quinto y a lanza durante uno y dos tercio inning. Cinco imparible el a ricibi, regala cero base por bola y propina cero ponche pa cuatro carrera.  
Bubu Ras a resulta por cierto pitcher perdedor, loke, a pone awor cu un record di tres gana y un perdi.  
E ultimo pitcher den ser usa pa Heineken's tabata Albertus Bryson, kende a drenta den accion den inning seis despues di dos out. Su trabao tabata di dos y un tercio inning lanza, dos hit ricibi, 1 base por bola regala y un ponche duna pa dos carrera.  
E carreranan adota pa inning tabata:

	1	2	3	4	5	6	7	8	9
Heineken's	0	1	0	0	3	0	2	0	6
Nesbitt's	2	0	0	2	0	4	1	1	x 10

**Posicion di e campeonato A**

Despues di e segunda victoria di Nesbitt den e campeonato, nos ta hangu cu Heineken's ta sigi marcha suavemente na cabes, mientras cu e otro tres equiponan ta empatia. Promer biaha cu Nesbitt y Heineken's mester a topa e novena naranhero na a presentat y asina a perde e partido ey pa default y tambe un victoria a ser kita for di nan.

Club	w	l	w	l
Heineken's	6	5	1	—
Marlboro	6	2	4	3
Nesbitt's	6	2	4	3
St. Cruz Stars	6	2	4	3

Falta ainda pa worde hunga e tercer vuelta di e campeonato cu e anja-aki ta consisti di unicamente tres rond, es decir cu en total cada equipo lo mester hunga apenas 9 wega. For di e tabla di posicion aki riba nos por saka e conclusion cu Heineken's ya ta sigur cu e lo termina e campeonato den promer puesto. Baha ningun otro equipo l por baha cu un wega extra den caso cu surgi un empate den promer puesto. Ta unicamente den caso cu nan keda sin presenta pa un wega, na lo por baha di e promer puesto, pero esaki ta algo, conociendo e disciplina chempion cu ta reina den e novena di Heineken's, practicamente imposibel.

Heineken's falta pues unicamente un victoria mas pa nan conquista e titulo di campeon di Aruba.



(Fuera di responsabilidad)  
**AINDA NO TA SATISFECHO!!**

Ta resona manera strena den dia cla, ora cu un hende lesa den Arubaanse Courant di dia 8 di juni, cu un persona, bou influencia di alcohol, ta bin molestia Sr. Gezageheer na su cas, pa motibo cu e pensioen di behez no ta jega pa e por bira di dje.  
Cuanto e persona aki lo mester paga den un BAR pa luna?  
Pensioen di behez no ta ser duna pa bai bebe i haci abuso di alcohol, pero especialmente pa cultri gastonan necesario di bida, aunque cu suscrio ta di acuerdo cu e placa no ta jega, pero otro un banda e jinan tambe ta OBLIGA di mantene nan mayornan ora cu nan no por traha mas.  
E persona (of personanan) aki por a informa i laga sabi na cua pais nan a duna mas placa pa e pensioen di behez?  
Nunca tabatin un Gobierno na Antillas Hulandes, cu por a pensa, sikiera corda un rato, riba situacion i moda di bida di nos bieuwanan, y desde algun anja caba e hienan ta ricibi un cierto suma di placa den forma di un yudanza necesario, esta Pensioen di behez, cual muy pronto lo worde cambia den un suma fijo pa luna — aunque cu pa esaki hendenan mester hai paga algo — loke no solamente ta e caso aki na nos Antillas, sino na henter mundo.  
Of tal hez e personanan malcontento aki ta worde instiga door di otro nan, cual, na luga di muestra esnan malcontento, esnan cu no ta satisfecho, cu ta door di e pavo chikito aki nan ta haya toch un alivio den nan necesidades di tur dia, ta sigi muestra nan cu esaki no ta asina.

## SEXTO A.S.U. OLYMPIADA

Cont. di pag. 3  
Oranjestad Store y Dakota Stars, equiponan femenino, como preliminar di e match entre Venezuela y Aruba mesculino. Esaki lo ta promer biaha den nos historia deportivo cu un equipo di softball di Venezuela ta bin hunga na nos isla.  
E ultimo dia di e Olimpiada tambe tin hopi actividad. Na Basiruti pa 10 'or di mainta lo tin diferente deporte: atletico manera sneerfishing, sustamento di bote di motor y sustamento riba ski.  
Volleyball lo cuminsa pa 10.15 di mainta ariba cancha di St. Annaschool na Noord. Atrobe lo tin un partido local sibi pa un encuentro entre Aruba y Corsow damas. Den club di NWIWA na San Nicolas lo tin na 10.30 Halamiento di Peso entre atletanan local.

## E MAGO TRINITARIO MAJAHARA

ORANJESTAD — Awe durante henter dia e gran mago Trinitario, Prince Majahara, cu actualmente ta biba na Alemania, ta duna presentacionnan na diferente schoolnan na e isla, Juliana School, Marijke School, A.T.S. y Tarckins College lo hanja un hishita di e mago aki. Entre 12.15 y 1'or di merdia Prince Majahara lo duna un presentacion pa e maridatnan den Savaneta kamp.

## HOROSCOOP

DI AWE

ARIESNAN

11 Maart — 20 April

Lo tin posibilidad tocante un asunto muy serio di bo mes of otro persona. Tene cuenta cu exigencia di bo cheffnan y bo trabao.

TAURISNAN

21 April — 21 Mei

Lo bo nota cansancio y tension. Traia di distrai bo y keda calmo den relacion cu otro personanan.

GERMINANAN

22 Mei — 21 juni

Bai cu calmo cu distraccion pa bo evita cansancio, deception y tension. Cuida bo placa y propiedad.

CANCERNAN

22 Juni — 23 Juli

Larga otro personanan tuma iniciativa. Tene cuenta pa no surgi dificultadnan.

LEONAN

24 Juli — 23 Augustus

Un cambio di influencia por haci bo trato cu coleganan y cheffnan masha interesante.

VIRGONAN

24 Augustus — 23 September

E desarrollo di sucesonan lo ta den bo provecho. Evita pleitu.

LIBRANAN

24 September — 23 October

Evita tension den familia, y trata na trece armonia den cas y den bo cercania.

SCORPIONAN

24 October — 22 November

Tene bo relacionnan liber di tension ora bira mas laat. Lo bo trata di haci bo imaginacionnan mas cla.

SAGITARIUSNAN

23 November — 21 December

Den dia bo tin ocasion di haci algo bon pa bo asintonan financiero y aumento di propiedad.

CAPRICORNUSNAN

22 December — 20 Januari

Principalmente den ora di merdia bo por traha projectionnan nobo. Tene cuenta anochi cu buscamiento di pleitu.

ACUARIUSNAN

21 Januari — 19 Februari

Atende bo cu trabao descurida, y asintonan priva. Contacto cu cheffnan por tin influencia favorable.

PISCES

20 Februari — 20 Maart

Contacto cu amigonan cu por yuda bo den realizacion di bo deseanan por tin gran influencia.

## PETRONA & CROES

Dakota - Tel. 1712-1639

PA TUR CONSTRUCCION, RAPIDO Y MIHOR

Tres'or di atardi lo tin mas encuentro di tennis ariba cancha di Tivoli, mientras cu na mes un ora lo cuminsa e ultimo partido di softball masculino entre Aruba y Venezuela. Despues di e encuentro aki e resultado final di e eleccion di Reina di Deporte lo worde anuncia y Coronacion di e Reina lo tuma luga.